

PROPRIA
DIURNALIS

B.M.V.
AUXILIUM
CHRISTIANORUM

Duplex I cl. cum Oct. Comuni

Breviario Romano

PROPRIA DIURNALIS
B.M.V. AUXILIUM CHRISTIANORUM
Duplex I cl. cum Oct. communi

Omnia de Communi Festorum B. Mariæ Virg., præter ea quæ hic habentur propria.

AD I VESPERAS

Hymnus

Sæpe dum Christi pópulus
cruéntis
Hostis infénsi premerétur armis,
Venit adiútrix pia Virgo cælo
Lapsa seréno.

Prisca sic patrum monuménta
narrant,
Templa testántur spóliis opímis
Clara, votívo repetíta cultu
Festa quotánnis.

En novi grates líceat Mariæ
Cántici lætis módulus reférre
Pro novis donis, resonánte plausu
Urbs et Orbis.

O dies felix, memoránda fastis,
Qua Petri Sedes fidei magístrum
Triste post lustrum réducem
beáta
Sorte recépit!

Vírgines castæ, pueríque puri
Géstiens clerus, populúsque grato
Corde Retínæ celebráre cæli
Múnera certent.

Vírginum Virgo, benedícta Iesu
Mater, hæc auge bona: fac
precámur,
Ut gregem Pastor Pius ad salútis
Pásqua ducat.

Te per ætérnos venerémur annos,
Trínitas, summo celebránda
plausu :

Te fide mentes, resonóque linguæ
Cármine laudent.

Amen.

✠. Dignáre me laudáre te, Virgo
sacráta, allelúia. ✠. Da mihi
virtútem contra hostes tuos,
allelúia.

Ad Magnif. Ant. Ecce,
María erat spes nostra, ad quam
confúgimus in auxiliúm, ut
liberáret nos, et venit in
adiutórum nobis, allelúia.

Oratio

Omnípotens et miséricors Deus,
qui ad defensiónem pópuli
christiáni in beatíssima Vírgine
María perpétuum auxiliúm
mirábíliter constituísti : concéde
propítius ut tali præsidio muníti,
certántes in vita, victóriam de
hoste maligno cónsequi valeámus
in morte. Per Dóminum.

Ad Laudes

Hymnus

Te Redemptóris Dominíque
nostrí

Dícimus Matrem, speciósa Virgo,
Christianórum decus, et levámen
Rebus in arctis.

Sáeviant portæ licet inferórum,
Hostis antíquus fremat, et
mináces,
Ut Deo sacrum populétur agmen,
Súscitet iras.

Nil truces possunt fúriæ nocére
Méntibus castis, prece quas
vocáta
Annuens Virgo fovet, et supérno
Róbore firmat.

Tanta si nobis fáveat Patróna
Bélicí cessat scéleris tumúltus,
Mille sternúntur, fugiúntve
turmæ
Mille cohórtes.

Tollit ut sancta caput in Síone
Turris, arx firmo fabricáta muro,
Cívitas David, clýpeis, et acrí
Mílite tuta.

Virgo sic fortis Dómini poténti
Déxtera, cæli cumuláta donis,
A piis longe fámulis repéllit
Dáemonis ictus.

Te per ætérnos venerémur annos,
Trínitas, summo celebránda
plausu :
Te fide mentes, resonóque linguæ
Cármine laudent.

Amen.

Ÿ. Diffúsa est grátia in lábiis tuis,
allelúia. R̄. Proptérea benedíxit te
Deus in ætérnum.

Ad Bened. Ant. Ad te, o
sancta Dei Génatrix, clamávimus,
et per te venit Dómini auxiliúm
nobis, allelúia.

Oratio

Omnípotens et miséricors Deus,
qui ad defensiónem pópuli
christiáni in beatíssima Vírgine
María perpétuum auxiliúm
mirábiliter constituísti : concéde
propítius ut tali præsidio muníti,
certántes in vita, victóriam de
hoste maligno cónsequi valeámus
in morte. Per Dóminum.

In II Vesperis

Omnia ut in I Vesperis.
Ad Magnif. Ant. Sancta María,
succúrre míseris, iuva
pusillánimes, réfove flébiles, ora
pro pópulo, intérvieni pro clero,
intercéde pro devóto femíneo
sexu ; séntiant omnes tuum
iuvámen, quicúmque tuum
sanctum implórant auxiliúm,
allelúia.